

Kekchi - Xk'a'uxl Li Ink'a' Us Santil Hu - Bad Mind Scriptures

Génesis 26:35 Ab'anán k'ajo' li rahilal ke'xk'ul laj Isahak ut lix Rebeka xb'aaneb' li ixq a'an!

Deuteronomio 28:65 Moko taataw ta xsahil aach'ool sa'eb' li tenamit a'an chi moko wanq xhilaal laawoq, xb'aan naq li Qaawa' taab'aanunq re naq xiw xiw wanqat ut lumluuqat. Tixk'e chi lub'k laawaanm.

Rut 1:18 Naq lix Nohemí kixk'e reetal naq lix Rut kaw xch'ool chi rochb'eeninkil, ink'a' chik kirelaji ru.

2 Samuel 17:8 Laa'at nakanaw chi us naq laayuwa' ut eb' li winq rochb'een q'axal kaweb' rib' ut yookeb' xjosq'il anaqwan, jo' junaq tz'uqtz'un li xmaq'mank li raleb'. Jun chik: laayuwa' naxnaw yalok chi us, ut ink'a' tixnumsi li q'oqyink sa' xyanqeb' li tenamit.

Proverbios 21:27 Li Qaawa' naxtz'eqtaana li xmayejeb' li ink'a' useb' xch'ool. Ma toja' ta chik naq yal kab' rix xch'ooleb' naq neke'xk'e?

Proverbios 29:11 Li maak'a' xna'leb' sa' junpaat nriosq'o'k; ab'an li wank xna'leb' naxkuy rib'.

Ezequiel 23:17,22,28 ut eb' a'in ke'chalk ut kole'okaq rik'in: kole'xmux li xloq'al, ut naq ak xk'ojaak xch'ool lix Oholibá rik'in li xmaa'usilaleb', kichalk xyib' chi rilb'aleb'. 22 Jo'kan naq laa'in, li Qaawa', ninye chi jo'ka'in: Eb' li xe'rahink aawu ut nakayib'eb' anaqwan, te'kanaaq cho'q aj xik' ilol aawe, ut yalaq b'ar te'chalq chaq re aasutb'al: 28 "A'an a'in ninye laa'in, li Qaawa': Tatinq'axtesi sa' ruq'eb' li tenamit xik' nakawileb' ut sa' ruq'eb' li xatyib'ok xb'aaneb'.

Ezequiel 36:5 Jo'ka'in xye li Qaawa': Sa' xxamlel injosq'il twaatinaheb' li tenamit junch'ol, ut q'axal wi' chik rik'ineb' laj Edom, xb'aan naq chi k'ajo' xsahilaleb' xch'ool xe'reechani linna'aj ut xe'relq'a chixjunil li k'a'aq re ru wank chisa'».

Ezequiel 38:10 «Laa'in, li Qaawa', ninye chi jo'ka'in: Chiruheb' li kutan a'an taa'alaaq sa' laach'ool xb'aanunkil li ink'a' us.

Daniel 5:20 Ab'anán kixnimob'resi rib' ut q'axal kiq'etq'eto'k; jo'kan naq ki'isiik sa' xwankil ut kimaq'e'k chiru li xloq'al.

Lucas 12:29 "Jo'kan utan mixik eech'ool chi xsik'b'al k'aru teetzeka malaj k'aru teeruk', chi moko yooq leek'a'uxl chirix k'a'aq re ru.

Hechos 12:20 K'ajo' xjosq'il laj Herodes sa' xb'eeneb' laj Tiro ut laj Sidón. Jo'kan naq eb' a'an ke'xq'unb'es laj Blasto, xanimal ru aj k'anjel chiru li awab'ej, ut sa' junajil ke'chalk rik'in laj Herodes, yookeb' chi xtz'aamankil li tuqtuukilal xb'aan naq sa' xch'och' li awab'ej na'elk li xtzekemqeb'.

Hechos 14:2 Ab'anán eb' laj Judiiy junch'ol, eb' li ink'a' ke'paab'ank, ke'xyoob' xjosq'ileb' li maawa'eb' aj Judiiy ut ke'xpo' xch'ooleb' chirixeb' laj paab'anel.

Romanos 1:28 Ink'a' ke'raj xk'uulankil sa' xch'ooleb' li yaal chirix li Yos, jo'kan naq ke'q'axtesiik xb'aan li Yos sa' li xmaa'us aj k'a'uxeb' re te'xb'aanu li moko uxk naraj.

Romanos 8:6,7 Wi naqataaque li k'a' re ru naxrahi li tz'ejwalej, a' li kamk toxooraqe'q wi'; ab'an wi naqataaque li naxrahi li musiq'ej, tqataw li yu'amej ut li tuqtuukil

usilal. 7 Li nak'amok wi' li xrahinkil li naraj li tz'ejwalej, a'an wank sa' xiik'ilal rik'in li Yos: li tz'ejwalej ink'a' naxk'e rib' rub'el xwankil xchaq'rab' li Yos, chi moko taaruuq aj ta wi';

Romanos 11:20 Yaal ajwi', ab'an an xmaak'a'il xpaab'aaleb' ke'q'ete'k wi'; a'ut laa'at kaw xaqqookat xb'aan laapaab'aal. Matq'etq'eto'k b'i', chiwanq b'an aaxiw.

2 Corintios 10:5 ut chixjunil li q'etq'etil li naraj numtaak sa' xb'een li xna'leb' li Yos. Naqaj naq li xk'a'uxl chixjunileb' taakanaaq rub'el roq rub'el ruq' li Kriist re naq te'paab'anq chiru;

2 Corintios 11:3 Ab'an an ninxiwa naq mare taapo'q leek'a'uxl: kama' naq lix Eva kib'alaq'iik xb'aan xlab'alil li k'anti', mare tex'isiiq ajwi' laa'ex rik'in li yaal ut santilal wankex wi' cho'q re li Kriist.

Efesios 2:3 Sa' xyanqeb' a'an xoowank ajwi' chiqajunilo junxil: nawulak chiqu li naxrahi li qatz'ejwal, naqab'aanu li naraj li tz'ejwalej ut li ink'a' usil na'leb'; jo'kan naq xoowank chaq rub'el xjosq'il li Yos kama'eb' li junch'ol.

Efesios 4:17 A'in ninye ut nintz'aama cheru sa' xk'ab'a' li Qaawa': naq ink'a' chik texwanq jo'eb' li maak'a'eb' xpaab'aal, sa' xmajelal xna'leb'eb',

Colosenses 1:21 Junxil laa'ex najtex chaq rik'in li Yos ut xik' nekeril A'an, xb'aan leek'a'uxl ut leeyib' aj b'aanuhom.

Colosenses 2:18 Maa'ani chimaq'oq cheru leemaatan rik'in xpak'b'al xkub'sinkileb' rib', jo'wi' rik'in xloq'oninkileb' li ánjel. Yal neke'xye naq neke'ilok moy u ut neke'xnimob'resi rib' chi maak'a' xyaalal xb'aan li ruuchich'och'il na'leb'.

1 Tesalonicenses 5:14 Naqatz'aama ajwi' cheru, ex qas qiitz'in, cheq'usaqeb' li sachsookeb' xna'leb'; chewaklesihaqeb' li neke'ch'inank xch'ool, chetenq'aheb' li ink'a' kaweb' xch'ool sa' xpaab'aaleb' ut chiwanq eekuyum rik'ineb' chixjunil.

2 Tesalonicenses 2:2 naq meejal eek'a'uxl sa' junpaat chi moko chexib'e eerib' rik'in junaq xnimal reetalil li Musiq'ej, chi moko rik'in junaq aatin malaj hu kama' ta li taqlanb'il qab'aan, chanchan tawi' yooke chi xyeeb'al naq ak xtaw xq'ehil xkutankil li Qaawa'.

1 Timoteo 6:5 ut k'iila wech'ink: eb' li neke'b'aanunk re a'in, a'aneb' li po'jenaqeb' xk'a'uxl, ut maak'a' li yaal rik'ineb'; neke'xk'oxla naq rik'in li paab'ank te'xtaw xtumineb'.

2 Timoteo 3:8 Jo' naq laj Jannés ut laj Jambrés ke'raj raj numtaak sa' xb'een laj Moisés, jo'kaneb' ajwi' a'an ink'a' neke'xk'ulub'an li yaal, q'aajenaqeb' li xk'a'uxl, ut li xpaab'aaleb' maak'a' na'ok wi'.

Tito 1:15 Li saqeb' ru xch'ool chixjunil li k'a'aq re ru maak'a' xtz'ajnil cho'q reheb'; ab'an cho'q reheb' li muxb'ileb' ut li ink'a' neke'paab'ank maak'a' k'aru saq ru chiruheb' xb'aan naq tz'ajnib'il li xk'a'uxeb' ut li xch'ooleb'.

Hebreos 12:3 Chek'oxla rix li Jesus li kixkuy xnimal tz'eqtaanaak xb'aaneb' laj maak; chi jo'kan ink'a' texlub'q chi moko taach'inanq leech'ool.

Santiago 1:8 xb'aan naq nawiib'ank xch'ool ut moko ch'olch'o ta ru li xyu'am.